

Racha di retiro politico

“Accion Pajarito” a cuminza na Aruba

ORANJESTAD (AAN) Eleccion ta na caminda y poco poco gobierno ta cuminsa manipula cu e aparato gubernamental door di crea puestonan pa hendenan liga na partido y tambe ta kita otro hende di trabao pa asina core campaña cu cuponan di trabao den gobierno.

Tin hende cu durante ultimo dianan diripiente a haya di tende cu gobierno ta termina nan contractnan di trabao y sin cu tabata tin motibo of hustificacion.

Tabata tin hende cu a kere cu ta pasobra gobierno su gastonan di personal ta mucho halto ta pesey gobierno a cuminsa kita diferente hende di trabao, pero esnan cu a perde nan trabao a bin ripara cu den un frega di wowo otro hende liga na partido den gubernacion a haya nan puestonan.

Den APA tambe algun hende a worde manda cu vakantie y segun trahadornan den APA, tin un lista basta largo di hendenan liga na partido MEP cu ta cla pa dreña servicio di APA.

Den tur departamento y companianan cu ta cay bao di gobierno, wega y manipulacionnan ta word haci pa asina riba tur nivel pone hendenan liga na partido.

No ta pornada cu algun politico a bisa algun dia pasa durante un reunion, cu lo ta mihor pa nan bay den oposicion pasobra esey ta menos dolor di cabes y ta

mihor pa crea mas problema posibel pa e gobierno nobo, pa di tal forma oposicion nobo lo haya tur caminda pa cana pa critica e gobierno nobo cu lo mester bay tuma medidanan pisa.

Diferente ministro a kita trahadornan di cierto puestonan pa nan bay traha directamente na disposicion di ministronan cu e meta pa core campaña, mientras departamentonan ta keda sin personal suficiente pa brinda servicio na pueblo pagador di belasting.

Nombramentonan politico ta sigui di ta na orden di dia y lamentablemente gobernador di Aruba no ta dreña den accion pa para mal maneho.

Gobierno no ta demisionario, pero esey no kiermen cu gabinete di gobernador y gobernador mes no por ripara ki wega politico ta worde hunga cu finanzas di pais Aruba door cu ta sigui pone mas hende riba pay roll di gobierno.

Nombramento di director di

DIP a bay den un frega di wowo y ni cuanto cu ministro Marisol y su otro coleganan ministro bisa cu tur cos a bay via DPO, e record time den cual decision a worde tuma den conseho di ministronan pa despues den menos cu 4 dia di trabao, gobernador core firma e landsbesluit pa e director nobo di DIP, ta papia pa su mes pasobra te awor no tabata tin u ambtenaar cu a haya su landsbesluit firma den asina poco tempo.

Na Radio esnan liga na gobierno a core bay haci como si fuera ta un atake personal tabata tin contra gobernador kende na su turno den su funcion no por reacciona, pero e criticanan a sali for di e aparato gubernamental mes y ey ta caminda cu ora cu djaca di riool bisa cu riool ta hole stinki cu pueblo mester kere nan.

Un di e erornan mas grandi cu tur partido politico na Aruba por a comete riba tereno gubernamental y estatal tabata pa nombra un

politico pa e puesto di gobernador y e consecuencianan di tal nombramento tabata di anticipa cu esaki lo bay trece problema tanto pa e persona como pa e institucion di gobernador.

Gremionan a pidi caba pa gobierno abstene su mes di nombramentonan politico y tambe pa no tuma decisionnan cu lo por hinca pais Aruba den compromisonan financiero grandi, pero esaki tabata un

peticion envano pasobra ta awor e racha di nombra hende den gobierno a cuminsa, pero tristo ta cu awor ta kita mamanan y tatanan di famia pa asina pone otro hendenan liga na partido den gobierno.

Ambtenaarnan rabia a duna di conoce cu e racha di nombra hende y kita hende for di trabao por cay bao di e nomber ‘Accion Pajarito’ mescos cu e pamfleta den cual nan por haci y deshaci manera nan ta haya ta bon.


Directiva nobo di D.O.S.V.A. ta celebra

ORANJESTAD (AAN)— Directiva di Club DOSVA ta invita pueblo en general pa celebra e tremendo Happy Hour diabierna awor 6’or di atardi pa celebra e apertura di un directiva nobo y dinamico.

Di 6’or di atardi pa 8’or di anochi lo tin acompaño musical cu DJ Silvano y di 8’or pa 10’or di anochi lo tin banda “Z”.

Bin celebra e apertura di e directiva nobo y dinamico.

NA ARUBA TIN MAS ARMA CU CADUSHI!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Decoracion di Spada Afl. 75,=